

文靖公遺集

文靖公遺集卷八

男景灋孫蔭垣

丙戌元日 醕邸饋豚魚蔬菜並附以

感

雲縵星華頌令辰德洋恩溥浩無垠素餐廿載慚釣軸
綠水三篙喜釣綸地託靈祇迎太乙天生才子仰高辛
瑤章珍品隨春至雅興醲情邁等倫

奉和 恭邸元旦集唐句原韻

條風入律報良辰易義誰參梅子眞天上鶯花新豔福
山中松柏古陽春修成佛慧輝金粟註得仙經禮玉宸

喜聽英韶欽位業五雲多處現全身

元日和長樂初都統早朝原韻

將軍嶺海唱刀環輝映金槍豹尾班節慶歲朝賡燕喜
光生

朵殿仰

龍顏星雲煥彩冠裳肅天地同和日月閒羨煞陽春吟
賈至清詞麗句寫紛嫻

歲朝卽事和恭邸集唐原韻

頗遂朝參嬾還欣過客疏好春來紫陌佳什遍黃初一
代東平郎千秋諸葛廬花風應解意香氣滿琴書

有聲畫樓卽日和 恭邸元韻

樓閣聳參差迴環

太液池飛仙應眷顧佳氣助華滋鶴夢聯鷗夢菱絲綰
苕絲好風披拂處吉讖兆陶詩

春寒謠

如此春寒要小心

上句爲起來先向梅花
說貴雲溪大宗伯句也雲仙舊句我

重吟我今瘦似梅花否笑倚梅花竹屋深灞岸蹇驢嬾
驅策孤山老鶴眞知音東風喚醒羅浮夢么鳳香勸蘭
陵樹

奉和 恭邸元夕集唐原韻

三五春宵醉兕觥打頭圓月喜澄清鰲山鳳翠奇模範
寶馬香車豔姓名四野驅歌歡父老六街燈火古承平
金吾不禁誠無禁令甲誰人與證明

元宵一首

買燈自古稱佳節天寶輝煌寫物華月色最宜歌舞地
春光多在

帝王家龍鸞炫彩火成樹風雨攪林銀散花慚愧腐儒
吟短什清芬靜品小團茶

拜客途迂戲成一律

陡覺狐裘薄春風作峭寒親朋居磊落車馬路團欒雲

重疑含雪身閒喜挂冠歸來尊酒共檢點舊詩壇

過尹文端公故居感賦

科名奪錦少年場小尹聲華中外揚三世宰衡參密勿

父尹公泰子慶兩江節制鞏金湯鴻詞蓮幕龍文健謂袁

公桂均爲宰相子才鳳誥蘭閨燕寢香公妾封夫人誥故宅依稀人指點晚

晴幽草感滄桑公答揚次也語引天意憐幽草人閒重晚晴詩句當時豔稱之

讀劉隨州陋室銘賦此

元都觀古野苔青千樹桃花紅滿庭陋室別開仙世界

素琴調罷閱金經

連日風狂 醕邸以二絕句示卽步原韻

路入天台踏紫霞
桃花流水飯胡麻
游仙夢醒軒然笑
松火閒烹龍鳳茶

斗室氤氳艾納香
羲和緩轡日初長
禪心澹定塵心寂
一任東風似虎狂

醅邸詩至步韻奉和

花風二十四番更紫萬紅千
閱世情芳草夢回晴雪潤
牆陰雪積好山神往野雲迎
山僧有約未審能踐否少陵酒熟瓦
盆老玉局茶香石銚鳴
翹首伯牙琴曲奏海天空闊證

詩盟

醅邸以夜坐漫書一律見示因步原韻

律琯駸駸歲月更東風芳訊數分明贊皇水好梅花馥
陶令門開柳綫縈心性誰同黃老澹古今時愛紫陽評
名章拜讀兼嘉脫何限遙天笙鶴情

早起示灋兒

紅日三竿清夢醒傳聞兒已早朝回笑伊年少卿俱少
正好斑衣學老萊

讀 醕邸寄題退潛別墅詩敬步元韻

妙高峰峻羨登攀石筍玲瓏紫翠間靈秀獨鐘仙府闕
休祥常引佛雲還幾朝黑劫紅羊溯一笑蒼松白鶴閒
奇絕雙流香在水琴音峽雪勝幽潺

別墅係金章
宗香水院址

西園主人以園梅將放作詩催花並約花朝小酌
洵雅話也敬步元韻

高情遠韻冠瑤臺逸士騷人醉玉杯豈必峻嶒撐傲骨
似嫌躁競特遲開詩王句健鯨鐘叩香國神驚羯鼓催
風雪灞橋寒儉甚笑他鄭五是凡才

疊劉清叟詠梅元韻

快意山旁接水旁三分春色二分將雪痕冷潤何郎粉
煙影低迷漢殿黃村店數升無悶酒詩家一縷返魂香
劉君老筆多光怪我亦狂吟拙莫藏

再疊劉清叟詠梅韻

秀拔峰巒溪壑旁，豪情對酒說千將。
化身怪石羊偎白，吹笛高樓鶴倚黃。
永夕永朝含古意，輕寒輕煖總幽香。
飛鳴么鳳時相近，蝶使蜂衙任斂藏。

醕郎獎借和劉清叟詠梅作敬疊元韻

玉磬金鈴徹更圓，起衰八代古名篇。
奔騰雋氣兼豪氣，掩映花前復酒前。
翰苑清華羣首頰。

天家名貴有心傳，種梅別具調梅手。
俯視楞嚴十種仙。
詩注以梅花入饌原原本本，花朝寵召心頌何極。

再疊前韻應 醕親王教

筆陣縱橫方亦圓，法參孫武十三篇。
騰驤古體融今體。

脫畧王前與士前

禮賢下士
古道可風倚馬

高才雄易見

圓明園適
閱春操

解牛妙訣秘難傳

賜札有庖
丁請梅花

饌法相視
而笑等語

花朝雅約天花設我故餐芝商嶺仙

天花
菇名

醕邸由淀園寄詩並惠山茶諸品謝以鳴謝

驪山松影日輪圓早悟陰符上下篇

用李
筌事

遙想朱旂揮

座右忽聞青鳥降門前風雲變色聲威振巾扇閒情次第傳麟脯龍團嘉貺厚行厨拜領笑頑仙

醕邸餉以盈握鉅筍戲成七古一章

溪雲滃碧蒲衣封中藏笑兀蒼精龍龍孫忽現驚凡庸
頭角疑疑森英鋒筍根如許真難逢想爲湘江秀氣之

所鍾傳云出自

蓬萊宮聞言拜手神彌恭庖人瞻顧心憧憧晚菘春韭
空丰茸豈是尋常菽水供壁閒金粟懸眞容薦茲玉版
輝禪宗陳於王前應我從

春蒐舊亦從事今讀 醕邸佳什慨念塵勞何勝
悵惘結尾二句有慨乎其言之矣

習習和風漾九旂貔貅萬竈野煙稠暫疎

紫禁金門鑰試策青郊玉腕騶吉夢驅羊懷力牧神功
馴虎羨曇猷何人獨占春光好紅杏花中笛倚樓

和 醕邸烹茶韻

淀園來往每稽遲半爲尋春半爲詩四面雲山環翡翠
幾灣煙水湛玻璃銜杯誰似劉伶達煮茗時深陸羽思
讀罷名章傾倒甚瑤臺蓬島倍神馳

劣馬和 醕邸韻

世少奔雲掣電才鼓車命駕稱駑駘空羣冀野驚眞賞
應運房星或偶來珠勒光寒人景慕金臺蹟古我低徊
縱云西極琛借貢究遜南薰民阜財

春仲感懷和 醕邸元韻

老懷枵觸酒邊生春雨春風無限情常棣花深紅樹遠
峩眉月好碧雲橫

五弟玉堂
遠宦川中

悅心聊藉煙霞趣震耳欣

聞金石聲屈指新鶯羣出谷笙簧雅奏祝

承平

春闈伊邇爲國家
作得人頌也望之

連日春風寒峭戲成四截句呈 醕邸

瑤章玉節復金和踵韻拈毫費揣摩窗竹蕭騷頻響答

祇愁誤寫大風歌

不疊前
韻之故

夢游天姥李青蓮近挹三盤松石泉圖志分明神向往

得詩自號小游仙

喜得盤
山志讀

淨業湖邊聲畫樓蓬萊仙侶羨同游廣寒法曲霓裳舞

是否開元鞠部頭

恭邸團聚
欣慕之至

新詩慧業燦天葩吉語紛紛敬拜嘉感甚衆香申國約

年年閩苑看梅花

卽景四截句疊前韻

最佳時節數中和雲影天光碧盪摩世界沖融仁壽域

百花香裏聽田歌

佳節

雪中巨藕火中蓮瑤作樓臺珠迸泉天地無私人靜穆

山花山鳥亦神仙

放言

翠箔晶簾歌舞樓人醒人醉任天游古今興廢賢愚事

應有飛仙暗點頭

觀劇

嫣紅姹紫逗繁葩青帝栽培意孔嘉春雨春風深祝禱

金鈴檢點護名花

惜芳

醕郎有熊掌之餽並系以詩賦此致謝

隨風警咳慧珠圓眷注常殷心版鐫蓮界千重金粟藏
梅花萬樹玉堂仙馨香饌拜元熊美溫雅神憑青鳥傳
更羨薊門供遠眺多峯雲水潤吟鞭

醕郎有蘭陽之役賦詩贈行

霧靈山古闕煙霞

展覲儀隆感愴賒紫叱撥馴雷走駁

聞紫馬甚良

黑雲都銳

陣盤鴉

謂神機營將弁

杏花野店高人酒楊柳河橋旅客茶王

道蕩平吟興健彩旂影裏手頻叉

清明掃墓五律

展謁率兒孫椒漿寫淚痕風花寒食節雲樹望京村雞

黍懷前哲

推牛而祭不如雞黍親存古語洵可懷也

麟振裕後昆問天天漠

漠桃李笑無言

東巡恭紀藉呈

醕邸

五色雲華耀

紫宸

禮成二月

舜東巡兩師喜灑赤松子

途中時有細雨

風后勳同黃帝臣

從

有荷特恩者

第七屬車才共羨

講官比舊例加增

大千世界

澤維新

輦路經行之處例免田租十分之三今旨免十分之四

九思堂稿增多少

光欲驚傳老斲輪

醕郎詩興甚高傾慕之至

東園閒步

小橋曲水早春回，綠滿平蕪翠點苔。
蝶有仙心隨步引，仙蝶相傳四足是日飛花饒天趣向陽開。
坦懷遇物惟繞左右，近之可喜也。
眞率卽景吟詩易，翦裁更喜呢喃雙燕燕。
主人情重又飛來。

行幄聯吟敬和

醕郎元韻

麥隴風掀細雨淋，民心歡洽感天心。
星羅平野恬車騎，雲罩奇峯慕向禽。
春去春來驚旦暮，漁山漁水夢高深。
鑾輿趨侍渾如昨，羨煞挑燈快雅吟。

徐壽衡宗丞長佛薊都統均有桃花寺詩戲作短
章以博一笑

薊門山色高青蒼仙人樓閣白雲鄉謝傅偶然留屐齒
崔護何敢矜詩腸阮肇劉晨稱二妙獨向青峯彈古調
天風環珮聲璆然依稀似雜桃花笑桃花丰韻自年年
碧霞紅雨層崖巔我欲附書青鳥使憶否當時老偃佺
東園雅集疊前六麻韻

光氣蒸雲更蔚霞嘉賓談讌壯懷賒共誇灑藻鳴威鳳
未許垂楊噪暮鴉邀月三人歌進酒生風兩腋學煎茶
梅癯點茶法
適園所授頽齡自笑才華鈍坐羨飛卿手八叉

東園卽事詩呈 醕邸

細雨斜風潤碧苔小園杖屐日徘徊科名望切鷓鴣奮
星姪會試連日痰嗽用石鐘咳笑誰頻鶴鶴猜山記中咳且笑語蘭草生
正在闌中香芝草秀桃花紅絢杏花開瑤臺想像多佳興大塊文
章耀斗魁

敬次 鑑園主人持贈元韻

山色遠悠然心遐地自偏有情欣竹拜無用愛匏縣園
杏紅披錦階苔翠暈錢衢歌閒擊壤浩蕩

帝堯天

醕邸詩來曉夢初醒率成一律

青鳥銜書特地來刺嘈翠羽夢驚回雲天鳳翥情輝映
風雨雞鳴感溯洄染翰愧無金汁墨勒銘遠遜玉堂才
清詞麗句深傾慕無限瓊瑤耀草萊

可園二首

光風獨占鳳城西俯仰名園策杖藜高樹籠煙隨岫遠
野雲含雨傍村低笑看鳳子依芳草靜愛鳧翁戲短隄
兒輩嬉游多快意共誇此地稱幽棲

梨花楊柳暮春天俯仰從心任自然林木成陰禽語樂
兒童拋壻水紋圓堂開綠野懷前哲境隔紅塵卽散仙
靜趣未能全脫俗途閒車馬尙喧填

和 醕邸來字韻

朵雲絢爛絳霄來，雜誦循環幾百回。旭日光騰

丹展迥，雄風力挽紫瀾迴。謙尊意旨符周象，震疊聲靈
陋漢才自笑。

聖朝閒草木，忝隨聞見學伊萊。

再疊前韻奉答 醕邸

踏青向夕遠歸來，欣覩雲箋雅詠回。楊柳春風新煦育，
蒹葭秋水舊沿洄。遙分虞帝重華哲，豈止陳王八斗才。
慙愧庸迂山澤叟，步虛聲許聽蓬萊。

可園卽事三疊灰韻

九十春光取次來，絮風梅雨感方回。飽看杏苑花穠麗，不信桃源道阻洄。臺榭摩空盤地勢，雲霞煥彩悟天才。韶華滿眼仍虛靜，閒聽園丁話翦萊。

四疊灰韻謝 醕邸惠食品並誌嘉會

鮫凝榆白古香來，魚豔花黃美味回。天有星樞思曼倩，人誰骨鯁話韓洄。銅龍闕輔龐鴻澤，金管名高倚馬才。更喜棣華樽酒共雙聲，恰合頌臺萊。

靜觀自得軒小酌，醕邸以七律見贈卽步元韻
並呈 心泉貝子

帝里鶯花百五辰，東風香淨屬車塵。層霄紫氣蝸廬迓，

元吉黃裳

鳳詔新

輿服

恩榮辭謝意

篤捧讀摺件欽佩無似菊圃栽培榮壽客桂宮

提唱拜仙人歡然共醉長生酒永戴

堯天億萬春

適園主人折柬召飲極歌舞之樂賦此申謝

昔附簪纓今薜蘿恍然噩夢醒南柯地迎

北闕春光麗人頌東平善氣多花竹萬重香洞壑雲霞

五色絢笙歌故將軍笑逃禪似或恐歸遲醉尉訶

樂初都統

以病辭故以李飛將謹之

恭邸將游潭柘以詩相示卽次元韻

有虞鹿豕話同游
栢古潭空跡更幽
集錦定參工部語
春山無伴獨相求

叢林遠溯晉唐年
栢老松深翠接天
我亦頓添雲水興
杖藜思踏碧峯煙

與子石謝秋曹諸君子東園情話

中書門下聚魁奇
喜見門牆桃李枝
老帶莊襟眞率會
風暄日暖豔陽時
清妍愛讀黃荃畫
樂易閒吟白傅詩
無我無人忘色相
歡然不厭酒千卮

東園雅集和 適園主人元韻

萬疊峯巒五色霞
幽奇遐想列仙家
瑤笙欣逐縵山鶴

綵筆驚開閨苑花，杜老自貽粗糲笑。郇公何當傳厨誇，詠歸我亦儕童冠。
謂阿子實色勉三及星姪灑兒等天寶分光照物華。

適園席上作

觥籌交錯主賓歡，羨煞梁園禮數寬。銀箭金壺紆漏刻，瓊林玉樹蔚芝蘭。
謂孚耶賢嗣等位洞庭張樂饒奇趣，庾亮登樓極大觀。寄語司天臺上客，德星須向斗宮看。

曉夢初醒 適園主人詩忽至卽步元韻

栖雲室峻蔚雲霞，一朵迴翔野老家。人笑虎頭飛食肉，詩如羯鼓勁催花。
日前同步牡丹畦畔眷念花開且訂後約三生夢乍槐安醒，
詩筒到時正值夢醒同氣祥徵棣萼誇。
讀兄弟怡怡之說南極

星輝詞感泐仰依北斗頌京華

冬菊五律和 葆光主人集唐韻

妙絕籬東句籠宜壁上紗徑荒秋不老霜傲玉無瑕古
趣重陽酒餘香宰相家湘東金管麗壽客益風華

餞春前一日謝答 醕耶元韻

輕雲漠漠日遲遲春去春來豔冶時玉燕捎風紅杏塢
錦鳩呼雨綠楊枝東君沛澤詩翁祝南浦關懷野客知
誰似西園老尊宿藤花菜把瓣香披

恩壽姪差赴殺虎口詩以送之

宦况詩情福慧全吾家小阮氣無前乾坤浩蕩雄豪志

冰雪聰明韶今年古塞飛狐恢遠略揚州騎鶴夢游仙
多文爲富儒林事珍重霜橋月店篇

恭送 醕邸閱兵之海口七律

註罷陰符註六韜

天閭旌旆紫雲高檀蘿懼服羣驚蟻雷電威光曉策鼇
橫海樓船輪壯烈伏波銅柱永動勞觀兵耀德權衡協
聖代親賢邁禹皋

再疊豪韻奉答 醕邸

融化龍韜及豹韜廣求申甫祝崧高取材燕市兼屠狗
立極媯皇說斷鼇神箭僕姑工宛轉綸巾諸葛大賢勞

天風環珮殷提唱鳳噉梧岡鶴九皋

夜窗聽雨

溼雲如幕雨如塵潤物無聲化澤勻
蝴蝶夢酣娛鳳逸
蝦蟇更攪促雞人柳煙碧挹花天
遠秧水清添稻隴
新
以屯蒙愁易象仁看雷電耀經綸

長佛薌都統四月八日壽辰賦詩賀之

甘雨連宵滌俗氛輝煌南極耀星文
共誇與佛同生日
遙見干霄有慶雲鸞掖麟兒揚汝士
鴻詞駿望鮑參軍
八旬老筆頽唐甚語拙惟餘頌禱殷

醅邸巡視海防卽席賦詩恭送

旌旆參天羨壯游
津門遙指鳳麟洲
酒香蘆筍西施乳
波潤桑田東海頭
飛鷁無前歡
猛士斬鯨有客望
通侯
河山帶礪

家庭事素位全將素願酬

醕邸赴津有詩見贈仍以前韻和之

析津名勝快遨遊
岸柳汀花杜若洲
天近燕南兼冀北
地雄楚尾接吳頭
好風助喜周公瑾
舊雨歡聯李鄴侯
謂少荃
李傅相羨極親賢
旌節肅等閒
仍以玖瓊酬

浴佛日爲佛薌都統華誕有詩致賀十一日丁丑

周編修門下士廣東解元區漸遠等修謁見禮

諸君在坐和詩適至卽疊前韻

藻彩英光接紫氛相傳衣鉢肅儀文蓬門歡聚來今雨
蘭譜情多降朵雲儋耳喜瞻蘇內翰灞陵豔說李將軍
掀髯一笑添佳興藝圃何人景慕殷

游可園並瞻禮萬壽寺

麥浪浮空槐夏天長河魚藻逗暄妍堂開綠野花如繡
衣被蒼生柳放縣樓閣潤含金碧氣兒孫歡聚綺羅筵
禮兒星姪及桓格小孫崇格女
孫等均從觥壽交錯大有天趣
佛廬更喜瞻

宸翰

壽宇同歸億萬年

乾隆辛未碑記歷引三皇壽共四萬
五千歲及摩身天壽佛無量壽等語

抹頰
何極

潘伯寅司空以錢松壺先生畫梅持贈卽用畫中

韻以詩鳴謝

暗香疏影澹於詩
冰玉精神瓊鐵枝
想見逋仙眞面目
斷橋煙水月明時

蕭閒何地不蓬壺
笑煞知章乞鑑湖
今日畫梅光野屋
遠勝摩詰輞川圖

再疊錢松壺畫梅韻寄潘大司空

翩翩公子畫梅詩
絕世丰神筆一枝
冰雪聰明仙境界
許飛瓊正步虛時

恍入仙人碧玉壺
梅花我昔愛西湖
司空見慣欣投贈
疑是眞眞古畫圖

赴陽臺山途次口占

境愛西山幽且遐
超然物外足煙霞
故侯瓜種迎陽阪
豔婦苗開得意花
澹澹輕雲閒嶺畔
萋萋芳草徧天涯
羲皇世界誰秦漢
遑問仙源劉阮家

到大覺寺戲作

甲申秋仲此游行
今日重來證素盟
拄杖看雲懷灑落
息勞倚石氣孤清
四山彩翠烘藍影
萬斛源泉作雨聲
笑我龍鍾仍卓犖
吟詩健筆任縱橫

金碧瑩煌拱

帝都陽臺山寺古規模怪雲作態成蒼狗禪室來參拜
野狐妙悟天龍森一指塵清法象赤雙趺伽陵宗旨誰
深領日午當空塔影孤

蓮花寺小憩

雙橋通曲折宛轉得精廬石窟煙霞老山僧禮數疏花
香塵界外茶話古皇初大覺誰先覺須彌芥子如

兒輩弄水作疏濬勢感而戲作

兒曹一笑大功成繞砌流泉澈底清安得帚長千萬丈
刷沙驅水赴東瀛

靜觀偶作

桃花流水送春歸，路認桃源是也非。
白芍藥翻凝雪豔，碧芙蓉峭得雲肥。
世情蕭散逢僧話，天樂空靈逐鳥飛。
老境久疏人我見，更於初地學忘機。

山寺卽事

煙嵐入畫畫成詩，四月清和淑景宜。
隨地閒花姿婉媚，對人嬌鳥語參差。
玉川居士茶香後，感配山僧飯熟時。
聞說近村忙社火，笙簧車馬笑紛馳。

響塘廟讀壁間

醜郎訪老農，王某作卽步元韻

詩王昔駐五雲驄，想見英姿邁世風。
澗水有情滌雪白

野花無際向人紅，喜聞寰海彰勳伐。自笑靈山證色空，
幾度拈毫仍小住。低徊時恐涉雷同。

廟祝王祥卽
王兆祿法嗣

山中書所見

高原下隰翠芄芄，餅餌香迎隴麥風。廬聚蝸牛歡野老，
羣連麋鹿立村童。近人蛺蝶襦襪粉，夾路櫻桃爛熳紅。
俯仰乾坤增眼福，太平民物樂沖融。

薊門煙樹小西門野寺

斷堞荒榛煙樹斜，野王深護梵王家。昔曾佩劍籌戎政，
茲偶巾車問法華。念佛鳥聲來紫竹，散金人意感黃花。
完顏耶律誰遺迹，蒼莽平蕪噪晚鴉。

再疊大覺寺韻

杖藜款緩屢山行，鸞鶴欣欣識舊盟。
繞砌玉蘭春意老，參天銀杏午陰清。
野雲嬾約窗櫺宿，流水寒分琴筑聲。
擺脫羅浮塵世夢，不知月落與參橫。

桃花開落任元都，豈可隨州作範模。
西望鷲峰超迹象，北連龍塞控飛狐。
無雙土或風生耳，用曹景宗語丈六身惟

玉結，踏步伍漁樵。欣入畫喜無人說，舊公孤。

醕邸和驄字韻並餉以波羅蜜等品次韻奉謝

汗血頻勞使者驄，紛羅珍品拜仁風。
芳馨氣泛蒲觴綠，藻彩光添榴火紅。
聞子晉笙欽法曲，證羅漢果悟真空。

天中節後多嘉貺豈與南皮瓜李同

讀 醕邸巡閱諸什及疊響塘元韻因再踵和

威聲震疊玉花驄萬里長風據上風細柳營高雲艦碧

扶桑樹拱日輪紅東鯁西鯁心香奉

洋船各首領均來參謁 蜃氣

鯨濤眼界空

海市出現殆東坡所謂神仙出沒空明中者耶

直以內安兼外攘

勛勞懿鑠古誰同

應 醕邸教題廟島海市畫冊

祥風颼颼東瀛壯游天吳紫鳳紛迓王舟城郭山林突

現海市賓僚歡欣詫希有事王曰佳哉鬱鬱蔥蔥蕩搖

萬象粉碎虛空凡茲外緣以靜制動起滅斯須毋驚頽

洞夢幻泡影作如是觀壽之水墨煙雲渺漫義貫金經
昭千萬古海神有知亦應舌吐

醕邸詩來兼有枇杷文杏之賜敬疊三律奉答

返旆思逃暑

致候

潤貝

詩伴已到門風規摹李杜雲

海話朝昏光挹蒼龍宿情怡綠蟻尊駢羅珍果賜佳興

滿山村

靜趣輸園鶴相迎到華門火雲蒸欲醉銀海眩多昏果
愛盤連飮香添酒滿尊清涼山在望神往稻花村

大度廓乾坤溫言出戟門蘭芬生馥郁蝶夢警沈昏吏
部新詩筆山中舊酒尊颯然風送雨清興擬溪村

晚霞散綺再疊二首

幾曲芙蓉沼三閭薜荔門
鵲鳴新霽樂鴉散夕陽昏
曲愛南風操朋思北海尊
素心陶令愜笑語遠人村
圭璋來璧府鸞鳳唱蘇門
雅調逾留護炎歊滌垢昏
文旌勞玉趾情話歎金尊
俚句山童似騎牛愧野村

夏日偶成

北窗一味足清涼無怪坡仙喜
不忘徑竹影疏風趣遠
池荷葉小露華香故交半入
循良傳名士爭誇翰墨場
自笑頽齡空厯碌羲皇世界
愛舒長

豆花棚下野風涼
沉李浮瓜暑盡忘
百尺松筠陰疊翠

一庭蘭桂蕊含香
笙鏞異派欣同調
元白高懷各勝場
千古延津誰比似
遙欽斗極倚天長

汪柳門

鳴鑾

閣學山左差竣旋奉

命視學粵東送之以詩

三年齊魯課諸生
杞梓梗柙貢

帝京劍佩喜趨

雙鳳闕
干旄旋指五羊城
書山驅蠹文心密
滄海探驪
衆目驚爲

國求賢吾輩事
莫將艱苦怯駢征

往迹蒼茫不可思
天心人事總神奇
白雲千古他鄉夢

紅日三竿若木枝，鸞鳳文章高藻耀。騅騶道路迅風馳，
恩隆內召吾深望。衣鉢端應無愧詞。

謝 醕邸惠荔支七律

承筐嶺海溯迢遙，照眼虬珠彩色饒。香溢紅塵飛一騎，
珍隨青鳥降重霄。水雲對客金刀隼，口腹輕官玉局超。
誰似衰翁榮幸甚，喜從紫府拜瓊瑤。

適園旣餽荔支復示來源作詩紀事

長生殿曲荔支香，千古風流豔李唐。今際

聖朝寬驛政，卻因番舶便。還方側聞制府親藩餽，藉快
幽人俊果嘗。恍似徽之仙夢醒，大消心渴飫。天漿

譚徽之荔

園仙夢如羅浮梅花
夢故事見天中記

酹邨適園吟眺以詩寄示卽步元韻

高吟閨苑太音稀山近三神天四圍得雨好花紅玉潤
含煙遠樹綠雲肥詩來頓益幽居興參悟彌深靜者機
淨業湖邊欣命駕魚筌閒忘釣人磯

酹邨復疊稀字韻見答卽於高廟草此致意

濱湖寺古得朋稀水拍重隄樹百圍野鳥驚飛蘆葉響
澤農豔說稻苗肥偶來淨土窺禪定喜讀還雲寫化機
此意卻防兒輩覺行吟頻踏綠苔磯

積水潭舊游古刹重來消夏偶然感觸書此寄意

仍用前韻

古剎經游話古稀松風解帶暢腰園坦途藜杖隨高下
舊帖蘭亭比瘦肥化蝶莊生香入夢狎鷗海客淡忘機
空潭學得安禪法笑看飛花過石磯

閒居口占

任飛白鷺語黃鸝瀟灑酒園林總不知花影玲瓏將進酒
雨聲清脆又催詩游仙有夢醒旋忘古佛無言笑亦癡
俯仰生機真活潑窗前芳草翠離離

波羅密蕉子二絕句

經言般若波羅密證果居然現化身佛手柑凝仙掌露

恆河沙界總香塵

野雲深處美人蕉結子含漿分外嬌脫畧俗氛欺豔雪
王摩詰畫好重描

恭邸以波羅密贈戲成一律

低雲壓樹碧徘徊颯爽清風北牖來夢偶仙游醒竹簟
香分佛果仰蓮臺共誇京國新奇品此亦蠻荒磊落才
乘輿朗吟供一笑昂藏同調有金罍

鮮荔支詩已賦二律 醕邸復以和章寄至並示

與長都統樂初彼此疊韻各四首聲光震耀海

大觀也卽援筆踵新字韻奉答二章

鸞箋十樣騰光怪雅調新爭荔子新上將神來揮筆妙
名王響答貫珠頻英風颯爽宜消夏學術紛綸勝大春
我愧南中疎涉厯海山企慕古仙人樂初詩多用廣南
實境欣慕之至
紗紅膚白坡仙句今更描摹藻采新何必矜誇看畫好
不禁歎賞得詩頻三千果助瓊卮醉十八娘驕錦幄春
自笑衰翁狂潑墨勉成綺語學騷人

樸庵雨後截句恭步元韻

薰風一曲埽炎蒸人在丹霄最上層雨瀉天瓢恩澤普
恍然攬轡快清

循十刹海北岸出麗澤門作

風斜雨細柳依依夾岸人家隱釣磯
烏鵲歡呼疑送喜鷺鷥閒步總忘機
有情碧水澄丹悃無少緇塵點素衣
兒輩追隨多逸興心花爭向野雲飛

繼園絕句四首

西山螺黛湧遙青十畝湖光簇小亭
笑聽兒童齊拍手紅蜻蜓逐碧蜻蜓

鶯啼燕語暮春天回首韶華意惘然
無限蝴蝶紛噫噫蛙聲復滿稻花田

一灣流水繞垂楊紅白池蓮取次香
爭奈園丁無抉擇菱絲碧攪荇花黃

連朝節候說分龍天闊雲低送好風似恐詩人愁急雨
歸途特閃晚霞紅

東園卽景

成趣何妨日涉園板橋流水野花繁物情喜翫魚騰躍
天籟時來鳥語言自有胸襟超庾亮阿誰骨相似虞翻
連朝大雨銀河瀉經註間參酈道元

三晝夜雨
故戲及之

七夕朔日曉起口占

夢醒華胥隔紫氛曉風蕭爽禁鐘聞窗明老嫗低聲說
今日天晴有白雲

七夕在卽俗尙乞巧戲成截句二首

稽首媧皇玉案前
神功布漢轉璇璣
願將五色支機石
補救千秋離恨天

兒女喁喁瓜果香
仙風縹緲簇雲裳
古今聰俊憐蘇蕙
錦字才長恨亦長

初六日雨謂之洗車是日晴霽詩以頌之

縹緲雲車塵界超
不須靈雨灑飄蕭
天孫更助天心喜
穩渡銀河烏鵲橋

恭和 醕邸適園卽景元韻

浩蕩乾坤曠蕩身
秋光照眼又逢新
浮瓜沉李因仍過
玉振金聲景慕頻
月圃靜懷三五夕
瑤臺登頌八千春

衰頽幸荷包容久敢謂鄒枚有替人

再疊 醕邸新字韻

問誰明月是前身秋色清蒼萬景新紫府有情仙藥界

連日荷玉延 碧山無限夢游頻地叢桂樹懷招隱銘鼎臣將

軍有招 酒愛松花試買春卻羨寶刀金甲客和戎舊侶

隱之說 作詞人 樂初舊在 總署行走

題梁檀浦方伯喬梓京兆圖

名魁多士鈞璜年歷宋元明總象賢鳳藻詞垣欽赫莽

矩亭先生爲丙 鴻謨京尹望昭宣隴雲湘水文成化酒

申科老前輩 瑗詩瓢境欲仙鄉居譽 羨極

國恩家慶集韋平匹美頌縣縣

梁侯卓犖振聲華
司隸巍巍表世家
學海波瀾溟海闊
君提學滇中同匪
不靖朝野倚重
戟門嚴重薊門誇
莊生鵬奮北溟翼
召伯棠馨南國花
開府清新成吉語
建標欣指赤城雷

恭和 醕邸對雨元韻

西山螺黛北窗風
招引清涼竹院中
幾陣電雷紅震爍
四圍煙雨翠空濛
畫堂定瀉松濤韻
釣艇誰依柳岸籠
快意哦吟添激壯
喜聞簷馬答丁東

中元雨勢沛然正苦岑寂忽奉 醕邸詩章敬步

元韻

珠跳白雨暑全消，離畢星占憶數宵。
萍皺荷喧池盪盪，來牛去馬客寥寥。
酒斟愚叟天懷澹，詩喜飛仙畫本描。
儒雅滕王高閣在，何人簾捲話前朝。

澄秋颯爽俗塵消，況值甘霖旣復宵。
庇擬少陵開

雨中
稿屋

頗有傾
圮者

廣廈閒思供奉訪，參參鸞翔筆忽淋漓奉鳩拙。

辭難俊偉描剩有，當年忠愛意。

帝城雲仰

紫宸朝

來詩有
早朝句

樸庵主人以夢游詩示奇情壯采得未曾有戲擬

游仙一曲敬步元韻

仙王丹法本天成夢入鈞天天有情一路靈風珠玉珮
四山涼月鳳鸞聲芝雲結綵分瑤席花雨飛香點畫楹
歸騎不虞霞磴滑文輝錦繡賦新晴

醕邸以北海所得蓮藕分贈并附以詩卽步元韻
龍旂鳳舳奉

宸游翠柳紅蓮玉沼秋魚夢占豐民氣樂香風遙拜殿
西頭

朗潤園宴集 醕邸卽席得句步韻奉和

仙雲滃鬱野風適玉宇珠宮足唱酬丹桂窟高聞鶴語
碧桃花老有詩留席盈九百隆遐算界俯三千笑幻漚

天上人間極樂紅橙綠酒醉觥籌

九百歲並算用耆英會劉几詩意

醅郎以玉版湘扇詩示疊前韻奉和

雪峯叢竹勢清道

此竹極大見宋人游宦紀聞

用佐揚仁便酢酬迹

掃珠塵佳興引禪參玉局古香留高風喜近雲霄羽醅

暑全消瘴海漚郢曲和難揮筆屢籜龍露冷雜更籌

小游仙一律

蓬壺高步錦雲旋武震雷霆文湧泉萬里在胸心鏡朗
三生得果智珠圓金風習習香金粟紫府恢恢踏紫煙
玉宇瓊樓清曠甚笑看挹袖十洲仙

小游仙一章和 醅郎韻

大羅天界領羣仙鍊石功神碧落邊老桂香團三五夕
蟠桃果熟九千年鯨吐鼉擲魚龍戲電火星弧霹靂絃
怪否老翁閒著述陰符經澈悟真篇

再疊先韻

太華峰頭睡亦仙黑甜有味徹中邊石頑尙帶風雲氣
松老渾忘秦漢年翠羽林端掠鶴夢朱絃壁上感琴絃
碧蓮花好如冰月快讀南華第一篇

八月三十日戲筆

秋色西山彩翠遙平泉何羨李文饒丹梯咫尺青雲路
紫府煙霞絳節朝詩境騰驤誇繡虎酒人瀟酒換金貂

通儒虛靜皆仙佛仲氏車裘顏子瓢

再疊蕭韻藉呈 醕邸

鯤鵬燕雀各逍遙語悟莊生興味饒濁世炎涼滋浩劫
野人興廢話前朝得時信有鴉隨鳳觸類誰驚狗續貂
俯仰掀髯成一笑菊花且醉酒盈瓢

小游仙和先韻一律藉呈 醕邸

鸞翔鳳翥羨飛仙水淺塵揚滄海邊公遠漫誇丹桂窟
莊周喜說大椿年舒長日永三千界清怨琴停廿五絃
力挽閻浮同極樂何須更檢白雲篇

和 醕邸卽事元韻

百尺桐陰半畝苔一雙仙鶴步低徊古臺慨慕燕昭跡
秋興蒼涼杜老才西嶺丹楓邀客醉東籬黃菊待霜開
滿城風雨前宵聽天助詩王豪氣來

龍泉庵和 醕邸元韻

蒼蘚鱗皴樵客蹤東西南北翠環峰閒經老屋牽羅補
時冀真仙採藥逢萬疊野雲盤俊鶴一潭秋水秘神龍
我來杖履無人識或訝留侯訪赤松

重陽憶菊和 恭邸集唐元韻

金迷紙醉豔山家領袖西風第一家荒徑蒼松爭兀傲
半籬黃雪湛清華詩心入澹供尋繹潭水延齡渺浹涯

插記滿頭香晚節龍山笑任帽簷斜

恭邸以綵觴見召次日復以

仁皇帝御書福字朱刻見贈情文斐亶感極誌謝

蒼生同錫福

錫福蒼生所御以

賜福者聖祖

寶翰拜

仁皇藻古生花筆

蘭芬奕葉光報難青玉案醉並紫霞觴

世廟無疆壽

醕邸春間所賜

分輝畫錦堂

恭懸兩朝室生輝擬以畫錦之

宸翰合

榮非敢望魏公功業也

曉出阜成門途中戲作

向曉西風作意涼
閒尋古寺指靈光

帝城雄峻遙山拱
民社連絲野潦荒
翠蓋千重松影照
金鈴一路菊花黃
吾家道韞耽吟詠
好藉新詩共酌商

五姪女近
好學詩

見築土牆者感而賦此

茅屋三間樹幾株
登登版築野規模

聖朝材俊搜羅切
可有商家傳說無

山中微雨

煙雨有無問秋心
淡轉閒天開清淨
域人坐翠微山玉
液思千斛金丹話
九還蕭然羣籟寂
鸞鶴夢仙班

秋郊游眺雜詩

勁氣昂藏感阿咸山莊八里幾流連摩訶庵裏逢僧話

明肅碑傾弔瑞蓮

萬厯明肅太后像碑爲西去劣僧推倒可爲慨歎

女孫跳擲興優游笑插黃花香滿頭萬物爲師師法近

松巢鶴處戲猕猴

女孫甚穉興致翩然

世情脫略詡名流幾輩清標抵莫愁笑煞顏齡狂絡秀

山窗面野莽梳頭

喁喁兒女總歡場詩滿芸箋酒滿觴不患催租人敗興

四山風雨護重陽

將近重九連日風雨山亦可喜也

靈光寺五古用題壁宗韶韻

言陟縹緲峰高步羲皇世恍御列子風旁挹浮邱袂霜
新紅樹迎徑古蒼蘚積野菊寒蝶香珠露方諸淚題句
彼何人意興發鮮脆俯仰感秋懷舉雲同我憇雨師亦
有情洗塵潑空翠

連日
有雨

香積寺卽事七律

平坡寺明仁宗
時曰圓通寺

仰瞻

聖祖

神孫烈錫額題碑

睿藻雄

康熙十七年賜名聖感
乾隆十四年易名香界

香裓衣裒香積飯大光

明藏大圓通山重水復蒿宮峻柏翠松蒼楓葉紅無限

韶光留法界年年秋月海棠風

每年八九月寺內海棠盛開

山頭口占

山行趣味妙盤旋最愛龍泉肖玉泉
雲棧青紆香界陔洞宮碧護寶珠圓
恍疑瀛海三神境始信齊州九點煙
我是東園老黃綺野僧驚怪說飛仙

覺山登高

任說風斜落帽狂虎頭山畔月如霜
題糕筆帶煙霞氣炙肉鑪分松柏香
放眼近臨天數尺快心醉進酒千觴
兒曹歡暢渾如禁戲採茱萸入錦囊

翠微染惹遠山高曠朗新晴引興豪
楓樹林邊疑讀畫

菊花天氣快持螯鼓刀擊筑嗤燕市白芷紅蘭契楚騷
滿耳清音忘俗慮清冷泉溜答松濤

戲題虎頭山石

蒼翠林巒萬木稠石棱斧劈勁橫秋畫圖一幅山靈寫
應是當年顧虎頭

題塔截句

古塔凌雲氣莽蒼牽牛花老豔紅牆好風幾陣聞鈴語
古識依稀替戾岡

過故明太監剛鐵墓感而有作

所用鐵槍
尙存祠內

鐵槍技抗彥章能主異朱三譽望增祠墓黑山金碧煥

西山何處建文陵

望秘魔崖絕句

大小青龍安樂窩
盧師廟貌自巍峩
秋光滿眼皆靈秘
幻出詩魔並酒魔

枯僧閒住水雲窩
鳥語花香山更峩
冷笑宋朝王老志
高談塵世有羣魔

尺五青天翠一窩
城中冠蓋任峩峩
空山借得游仙枕
人道陳搏有睡魔

松檜參天猿鳥窩
翠峯重疊愛峩峩
怪他游賞羅浮客
一遇梅花竟著魔

靈光寺晚坐

萬象此蕭森平坡功德林禪宗誰佛印野客亦仙心雲
水三秋靜松篁一徑深巖泉添颯爽清韻等瑤琴

醕邸賜食品鮮果兼勞慰問卽成一律誌感

酒醴笙簧並欣欣嘉會逢親賢勞雁序姿態愧龍鍾凡
席香聯桂支離叟笑松側聞溫語慰銘感矢重重

和 恭邸深秋詠菊元韻

花國儼垂裳靈承土德黃秋風摧衆卉老圃發幽香彼
美抑何傲余情其信芳嶺梅成後勁一笑月如霜

謝 醕邸餽肴點

風葉響喬柯兒童笑語和

上方珍品重高詠古香多拜賜神俱忭加餐腹欲餍應
嗤狂杜老執筆仿陰何

十月朔日雨中作

秋老冬新約略間天時人事感回環雨聲潑地鳴黃葉
風勢驅雲湧碧山米汁問誰資嘯傲菊花伴我益蕭閒
喜無車馬勞勞客一任荆扉竟日關

十月初二日閒庭晚步是夕星宿皎然 愔耶適
以時憲書贈感而賦此

乾坤到眼鬱青蒼易戒堅冰兆履霜萬象龜蒼高典冊

一天星斗古文章金樽酒助豪華興銀燭花添熠耀光
我夢黃梁無大覺黑甜鄉在白雲鄉

喜晴

連朝雨氣兼霜氣旭日東升喜乍晴颯爽園林餘朗潤
飛騰燕雀總歡聲卷簾竹屋澄無翳磨墨芸窗膩有情
卻笑淋浪籬畔菊宛然醉酒老淵明

謝 恩恭紀

鷗鷺頻年世外情耕桑郊近戀

神京重分鶴俸

天恩渥久別

龍墀輦路生歲抵釣璜慚呂望帖摹干祿笑真卿杖朝
杖國思前哲潤色

皇猷頌太平

十月初十日

萬壽聖節午門行禮恭紀

壽康瑤殿仰

雲天肅肅雖雖叩祝虔

宮樹有花明旭日

以辰初二刻行禮

蟠桃無語鎖春煙

鴻臚寺官傳而

不居然門下同三品

午門行禮以三品爲率

齊向墀頭頌

萬年自愧頽齡邀

異數威儀數備感殷拳

醕邸於南園招飲詩以誌謝

扶桑輅小電鐙圓

日本小車電氣鐙皆園中所設

碧柳陰疎黃菊妍

聖世廣開仁壽域詩王珍具綺羅筵雲生几席香成國
霜古鬚眉客欲仙如此風光如此興衢歌忭頌

帝堯天

極樂寺小憩偶成

咿啞雞鳴曙色開

帝城金碧閃樓臺乍逢北陸青霜肅喜看西郊紅葉來
煙水有情皆罨畫神仙隨處是蓬萊國花堂共山僧話

笑借茶鐺當酒罍

可園小集

現名
繼園

貝子名園今繼園近郊推羨武陵源半林楓葉晚霞灼
一路葦花晴雪翻簡略壺觴情落落嬌癡兒女笑喧喧

天心似恐人歸早夕照低迷隔短垣

是日
微陰

吳清卿憲副贈自製銅柱墨詩以謝之

功收山海耀經綸妙製文房花樣新兩界森嚴銅作柱
幾番研究墨磨人芳名遠播香齊麝偉績昭垂閣畫麟
從此藝林傳盛事千秋光怪壓龍賓

文靖公遺集卷八終

文靖公遺集卷九

男景灃孫蔭桓恭輯

醕邸頒賜珍果附以松花江冰塊一方函囑用佐

烹茶亦韻事也率成七律謝

橙黃橘綠帶霜寒一路春風香鬱蟠竹筍翠腴雞鳳尾

松花

江名

碧灩小龍團神仙服食煙霞滃雲水襟期天地

寬遙企梁園清興足月華梅影玉雕欄

瑞雪疊前韻

廿四番風春峭寒玉龍掀舞碧雲蟠梨花錯落梅花影
荻絮紛飛柳絮團夢醒瓊樓詩筆健光澄銀海酒杯寬

占豐我更襟懷暢魚衆狂歌拍畫欄

八日二截句

綵勝靈辰嘉祉增笑予澹定學山僧梅花柳色春無限
詩興千秋羨少陵

豈知今日又逢人詞氣昂藏邁等倫我相衆生兼壽者
試猜誰幻更誰真

醕邸上元前二日適園有作恭和元韻

瑞雪康衢璨玉塵上元風景寫清新園松倚石蒼舒甲
野竹含煙翠挺筠萬樹花開紅照灼六鼇山聳碧嶙峋
九思堂上釣天奏想見天仙是化人

醕邸惠賜

上賞元宵以詩代柬卽和元韻

異數

東朝旨接連升沉句感玉勻圓

升沉總不驚前輩元宵句

親藩心化

光明燭野叟輝增玳瑁筵

佛課甫竟

適園主人詩筒忽至走筆奉和

一瓣縈香篆三乘仰世尊佛鐙明鷲嶺天壽感

鴻恩

去臘蒙壽有詩恭紀

恩賜

雅教欽常奉名場豈足論治心兼

治世成性永存存

以儒治世以佛治心耶律文正王語遵奉久矣至今猶向往之

新正卽事

春風吹暖試鐙天出谷鶯啼嚶嚶圓忝竊鵝行分鶴俸
趨承燕喜走鸞箋詩吟白髮三千丈帖仿黃庭一兩篇
好是嬌癡兒女輩散聲清越興歡然

春雪七律恭和 樸菴主人元韻

五更蝴蝶紛飄瞥散入東風作嫩寒驢背詩心牽鄭綰
蝸居傲骨冷袁安春生玉宇添豪興酒煖金壺證古歡
滕六才華香國景喜呈青帝畫圖看

瑞雪次醅郎韻

玲瓏萬鎰崑山玉璀璨重霄滕六花

神感至誠欽我

后歲占大有福

皇家芝榮三秀禾雙穎梅孕珠香柳翠芽自愧無才追
雅頌王言典貴羨英華

靜坐

古月俄今月人心卽道心煙霞詩入畫天地枕兼衾野
馬空塵跡春鶯自好音移情何處所滄海伯牙琴

昨訪 恭邸得晤喜以詩贈卽步元韻

新春多興趣詩料酒材供歲守摹蘇軾年時話薛逢好
風常意愜舊雨最情濃自笑支離叟蒼茫學古松

和 恭邸見贈元韻

好山好水夙生緣
竹杖芒鞋儒亦禪
拜石靜參無量佛
養花暖愛有情天
十年語笑王欽若
五字才疎孟浩然
謂不才明主棄也
瓊玖遙頒消俗慮
超超同證大羅仙

春雪優霑偶成一律

春城輕暖復輕寒
滾滾飛花豔作團
明月三千銀世界
東風十二玉闌干
莊生蝴蝶仙心暇
太尉羔羊酒力歡
我自金門成隱逸
豐年宜瑞念長安
長安有貧者宜瑞不宜多古詩意深哉

醅邸以寒字韻見和再疊一律

二分春色減春寒
屈指羣花錦繡團
曝獻與

君從古有風吹笑我豈卿千

風吹池水千卿何事前柳
長安句得無類是乎

陰積翠當門好麥隴古豐比戶歡

老嫗來自田間云雪
融地潤麥秋必可豐

稔

喜聽西園千畝竹龍孫日日報平安

喜晴

雪晴風暖點塵無春氣融融大地鋪柳色青迴思灞岸
桃花紅淺話元都穿雲預檢登山屐煮茗何煩調水符
盡洗尋梅寒瘦趣聽鶯柑酒是良圖

花朝前五日早起作

廿四番風氣象新花香鳥語豔陽辰故交入夢忘欣戚
世務傳郵任假真裴度羊坡娛綠野

小兒坡白羊點綴
芳草裴晉公事

陳搏龍螫藐紅塵希夷爛五龍螫法故能睡經百餘日醉鄉日月舒長甚
酒琰詩瓢爛漫陳

漸近花朝次早起韻

風日暄妍杖履新句芒次第啟良辰山中誰是陶宏景
谷口聊爲鄭子真雉隴數聲牛背笛鶯花一笑馬頭塵
何當幸遇神仙侶剝復天心共指陳

雨水次日適園侍飲作此申謝

瑞日祥雲玳瑁天鶯啼燕語又今年曹騰小醉陶元亮
敏捷深慙李謫仙勁拔喜聞金石奏光芒雄照綺羅筵
洞庭盛美思張樂神往冷冷空際絃去歲被鑑園龍召今復於適園得與

優酒之賜洋洋盈
耳是欣欣向往焉

春分日偶成

花開花落悟虛盈碧漢寬閒紫陌平杜老晨鐘詩警拔
謝家春草夢分明游絲影重飛鳶逗簷鐵聲低語燕爭
萬物靜觀紛色相邯鄲我欲訪盧生

清明後一日偶作

雨餘朗潤淨緇塵畫本詩情妙入神煙柳四郊寒食節
風花九陌太平春携柑語聽流鶯好布穀聲攙叱犢新
居是

皇都饒隱趣商山不羨采芝人

戲疊前韻

綺陌香風不動塵
天涯芳草亦丰神
紫霞晴綉三霄彩
青帝功宣四海春
佳氣百年增炳蔚
韶華三月最鮮新
桃花源水神仙路
欲訪柴桑作記人

携兒輩朵園小集

樓閣參差邱壑深
暮春佳日快登臨
綠蘿染惹紅梨豔
黃鳥綿蠻翠柳陰
陶令壺觴娛晚節
孔門風浴悟遐心
夕陽更愛西山好
遑問昏鴉集滿林

老境優游學少年
賣花聲裏養花天
面城潘岳思才子
賜木劉商慨洞仙

地與城面心芝侍御
地主也惜已仙去

四座兒孫紛笑

語一庭松竹小林泉
哦詩擬作蘇門嘯
不羨豪華醉管絃

佳趣何人賦小園
桃花開後杏花繁
鷓鴣栖處多幽邃
鸚鵡前頭任笑言
形勝恰鄰草杜曲
神仙誤認武陵源
鳩晴鵲喜娛嘉宴
絕少青蠅擾棘樊

神往山虛接水深
蕭寥萬象伯牙琴
側聞東畝親耕典

廿三日

上祀先

農事親耕禮

彌切南風解愠心
杯酒醱醱香郁

郁樓臺楊柳影沉沉
歸途夾道煩鐙火
誰更金蓮豔古

今

長雪大祀前夕大雨恭紀一律

龍德先天

天不違

成句

長雪前夕雨紛霏
麤麤茂蔚年書有雷電聲

光福作威颯爽頓添新白髮
歌謠自笑舊黃扉
遙知樂善東平邸酒琰詩瓢逸興飛

曉出西直門口占

西出都門眼界空
違春凝望瀉蓬蓬
雲迷古寺無窮碧
日擁高林分外紅
煙水迢遙塵迹掃
峯巒縹緲道心融
祇緣布穀催農事
篤念

天恩賜屢豐

長河隄行

芳草連天綠毯平
凌晨倍覺氣澄清
途長僕每勞輿馬
年老人多識姓名
一路絮風寒亦暖
四圍花鳥送還迎
虎兒舊有坡仙例
酬和端宜擊鉢成
蘇遠小字虎兒子
由子東坡姪與坡
老有唱和之作我於
星姪亦以是期之

西頂廟庭瞻禮作

廣仁宮峻極憶昔往來頻
今日臨初地前生證夙因
幢幡森紫府臺閣淨紅塵
擊磬者誰子懷哉荷蕢人

藍靛廠道中

廣源閘水綠瀾瀾
細柳營高楊柳垂
白叟黃童聞笑語
丰神仍似看操時
前任閱兵大臣
屢看外火器管操
故經過多有識者

到碧雲寺偶成

崇階疊碧嶺雲開于

經魏忠賢

連蹤羊虎來近習狎親

忠直遠朱家天子半童獸

碧雲寺東軒小憩

含青涵碧古蕭齋游目真堪任聘懷四面好山神入畫
一灣流水淨逾揩高松篩影涼珍簟細草生香沁玉階
我至正逢初夏候鳴鳩乳燕總幽佳

倚枕口占

八極雲同臥優游世外身天風時入戶山月似窺人佛
理超形迹禪房笑比鄰莫言枯寂甚情話有姻親

喀爾瑪吟

娥姪居此山麓伊
子某至情話良久

曉起二截句

迹迹萬山中松窗曉日紅軒然一笑起我竟夢周公與

某郎清談不禁莞爾
吾衰之歎可以解嘲

簷雀語孜孜誰知雄與雌仙風推老鶴獨立野松枝

卽事疊隄行前韻

聖朝世界際承平許我逍遙訪玉清爲惜野花時路讓
偶逢綵蝶欲仙名厭聞社火紛囂雜喜見山僧笑語迎
閒向蓬頭舒望眼萬家麥浪慰秋成

疊東軒韻

四時禪誦一清齋澹泊何人證雅懷逸興還生天籟發
道心虛朗俗塵揩長松影外雲留榻瀑布聲中月滿階
孟夏清和娛靜趣春秋想見日多佳

聽泉有感

嶺雲凝碧鬱徘徊

輦路荒蕪暈古苔惟有洗心亭下水清光曾見

翠華來

碧雲寺卽景用杜拾遺張氏隱居韻

知心何處覓羊求兒輩追從趣亦幽和樂任天希白傅
神仙隨地有丹邱暄妍喜共鶯花笑光怪閒偕龍象游

無限碧雲同臥起恍疑太乙在蓮舟

香山述懷

童冠嬉游慰暮春耄期多倦稱閒身煙霞滿地宜逃世
蘿薜搖風若有人建白久慚雞口利軟紅怯看馬頭塵
香山九老今誰是擬借唐賢爲寫真

再疊求字韻

曾讀陰符靜講求五行萬化畏深幽清吟偶似王摩詰
善氣長懷陳太邱悟徹蜘蛛工隱退夢爲蝴蝶是仙游
誕登道岸拈花笑澹泊汪洋不擊舟

三疊求字韻

笑人緣木或魚求那識春山事事幽
燕趙從來矜俠烈
金元幾處弔陵邱天高

北極多佳氣地繡西郊足勝游
記向昆明湖畔過綠楊
煙水盪漁舟

玉泉道中

清明節候蔚藍天
燠淺寒輕立夏前
荷葉山低青有暈
柳花風軟白於絲
路歧始共思周道
灘涸猶疑涉大川
遠虎近來詩句好

謂星姪遠虎
並用見蘇詩遷喬鶯語愛勾圓

寶藏寺卽事二截句

入道宮人淺淡妝
舞衣深鎖縷金箱
宛然隴上唐鸚鵡

軟語殷殷念

上皇官監白頭均道咸年聞舊人
伊等感念 恩遇津津不置

凍青花白牡丹紅香色懸殊茂蔚同富貴豐腴寒素勁
一時公道拜東風兩花並美
何勝歎賞

寺僧摘落花持贈戲成二十八字

陡然富貴逼人來魏紫姚黃爛熳開老衲似諳虞帝譜
南風一曲阜民財

金山口閒眺

金山峯嶺翠峩峩今古茫茫春夢婆蒼雪庵深迷月窟
正統四年西僧道深建卽寶藏寺青龍橋凸控煙波南城嘉樹輕陰滅

北塞團營壯氣多，歎息景皇陵寂寂。夕陽芳草卧明駝，
純廟碧雲詩碑有壬辰暮春之作。敬次元韻。

香山山奧衍秘此蕊珠宮，鐘磬破蒼靄，煙霞凝碧空。松
奇隨佛古，狐老或天通。俯視吟登塔，齊州一氣同。

四疊求字韻

但覺庸庸福可求，不思踐實欲通幽。蜂衙自戀花三徑，
蟻國羣爭土一邱。鼎食鐘鳴惟世諦，風清月朗有天游。
遐哉禹稷稱躬稼，笑煞桓桓界盪舟。

山中雜詩

山查花發潤風湍，五出瓊葩珠彩寒。迨至秋紅誇俊果，

笑他神似老梅酸

紅杏枝頭感暮春，纍垂青子墮芳塵。
謝家詠絮人多暇，澁去皮膚甜取仁。

繞屋峯巒無限青，乳泉山麓響泠泠。
游人但詫金剛塔，誰奉心香一瓣馨。

鐘磬音中山鳥鳴，朝陽翠彩不知名。
舊諳羽族多情甚，鳩自呼陰鵲喚晴。

山寺偶成

小清涼界路盤螺，首夏叢林景物和。
賀監豔聞丹訣秘，眞訣自從茅氏得，李通明喜說白雲多。
案香玉茗分松白送賀監歸四明詩

檜卷擁金經對薜蘿兒輩漫矜腰脚健崎嶇競上木蘭陀

山齋晚坐

一碧雲濛濛空籟涵虛空簷鈴忽響答好音生遠風
蒼翠晚煙霏禪房佛火微隔林山犬吠知是採樵歸

喜雨

窗竹夜蕭騷苔階潤蒼古潭龍禮佛來一院松花雨
雲動雨冥冥山川呵護靈如來有天眼天眼此垂青

寺中有猫戲成截句

蔬筍家風香積厨丰茸雅步有狸奴花鬣塔鴿無猜忌

肉食庸流愧也無

謔猫仍用前韻

魚膾駝峯飽御厨
猗兒狎抱戲花奴
柔能害物滄棋局
慧業前生記得無

閒步仍用杜老韻

天高地下漫推求
外境寬平內險幽
談笑僧偕行竹院
振矜我自警葵邱
葵邱之會微有振矜爭坐位帖語揭含青齋榻
四山畫意供
詩意幾輩神游快
目游試向金剛牀
畔坐恍然春水杜
陵舟

讀虞集題香山寺圖詩卽步其韻

道園才冠大江西，豈止聲光曼碩齊。
東嶽花邀紅杏賞，

最憶奎章虞閣老，白頭騎馬看花來。
果囉洛易之詩。金天剎愛白雲棲，
優游紫閣

三山客縹緲青霞萬仞梯。
曾陪退相尋山徑亦供幽人躡石梯。
原詩云爾。會景

樓前鷹爪石，可曾點筆姓名題。

鄉間賽會甚肅，詩以嘉之。

預防鵝鴨惱，比鄰兵法居然部。
勒人楊柳陰，濃言笑寂夕陽簫鼓賽明神。

紅顏白髮路分明，酒熟茶香少市聲。
觀劇幾人高位置，木香棚間牡丹棚。

黃金四目古風敦，嘉會山前山後村。
指日麥秋償夙願，

馨香誰更愛雞豚

青瑣朝班界有無碧雲深處訪浮屠
峯腰覽悉農鄉趣
擬畫西山春社圖

偶成

咫尺

皇都路匪遙空山連日雨瀟瀟
東華門外香泥滑念我佳兒事

早朝

晨起步常建初日照高林韻

名山耶律業

碧雲寺係耶律文正裔阿勒彌捨宅所建

峻絕此叢林泉石亭

臺古煙霞窟宅深元明餘浩劫花鳥亦仙心千載金剛
塔天風揚梵音

適園主人遣青猿致詩柬並惠食品卽步元韻

野雲澄碧寫清新暫署頭銜黃野人老樹青山饒古意
天花絳闕話前身閒情坦蕩朝連夕淑氣冲融夏亦春
多謝詩王嘉貺厚致勞白鶴駛紅塵

別碧雲寺仍疊前韻

貝多義蘊喜知新不薄今人愛古人蘇子瞻分羅漢果
陶宏景說宰官身姓名雁塔渾疑夢喧寂鶯花總是春
俯仰碧雲殊快意快他于魏久成塵

臨行記游

計日遨遊翠嶺巔如嘗蔗境歷中邊澗幽石伴鳧翁立
徑僻花爭鹿女妍豐鎬同民

靈囿地

碧雲寺劃出
任人往來游眺

御園

唐虞復旦慶雲天

賜雨應時
雍熙氣象

煙霞興味漁樵侶遠邁行

吟屈子篇

答李蘭孫相國疊韻

友聲宛轉谷鶯求心境寬閒逐境幽幻迹黃梁餘紫閣

澄懷碧落俯青邱鵲鶴時繞巴山夢

五弟玉堂在蜀
今久無家報

蝶閒偕莊子游佳什勉酬慚鈍拙遲遲應笑上灘舟

午睡初醒作

姤復循環任縮盈小窗讀易道心清葛衣軟肖神明倦
蓮漏時占氣候更初二日夏至節連目神欠爽健瑟詠湘靈馨白芷鑲
携杜老話黃精竹方牀倚青籐枕且適陶潛北牖情

踵坡老海上何人識故侯韻

冬夏隨時聽葛裘佳山水處縱遨遊修仙漫擬陶宏景
有子何須孫仲謀北牖涼風殊快臆南樓皓月喜昂頭
今來古往誰高下一笑身閒傲五侯

踵坡老滿林烟月到西湖韻

滹沱麥飯粥萋蕪何以劉伶酒滿壺我自煙霞供嘯傲

人誰瓜豆詔分區
滔滔濁世魚龍戲
落落塵寰牛馬呼
惟祝承平千百載
渾然廊廟與江湖

驟雨旋霽題十剎海酒家壁

流水彎環繞

禁城垂楊濃蔭碧
雲橫翠翻荷葉鳴
菰葉涼捲風聲雜
雨聲野趣最宜長
夏永大隄忽喜晚
霞明酒家愛說神
仙過地有神仙
卽玉京

恭邸怡神所以優劇
召飲賦詩申謝並呈
適園

主人蘭蓀協揆

邸第樓臺盛管絃
輝生錦地接花天
共欣仙樂娛清聽

勉策神明學少年雲閃龍星占夏大

長零十餘日矣雷是日辰刻微雨

鳴羯鼓緬唐賢

唐賢相宋璟羯鼓擅長樂懸有此何勝慨慕

雍熙嘉會超常

格脫畧王前與士前

英雄兒女冠千秋掃蕩人間萬斛愁

曲文獨出冠時有推倒豪傑之概

杯泛雲霞分露潤厨香櫻筍足風流主賓膠漆歡無極

昆仲間平世罕儔

是宴均代

醇邸同慶邸心泉貝子

寄語

長庚仙供奉遠過學士畫瀛洲

長夏偶作

俯仰乾坤一草堂炎歊盡掃午風涼池看科斗文章古

花豔醪醑酒醴香通脫客多名士托舒徐日愛小年長

滔滔皆是知誰是笑聽衢歌雜楚狂

讀易敬述

河洛縱橫靈秘書宜仙宜佛悟真如亢龍有悔緣行健
卽鹿无虞貴慎初何事高墉期射隼須防載鬼或盈車
假年欣荷

天恩厚花落花開大隱居

東園戲作

泉潔冰寒瓜李馨小池鴨褥漾浮萍炎歊日永晴兼雨
園圃人勤蝨亦靈書裏魚藏思蠹剔樹頭蟬語作琴聽
芙蓉城峻間吟眺神往雲山萬疊青

謹步 鑑園主人元韻

野亭何處問三休
蛺蝶驚飛笑魏收
怪石峻嶒誰射虎
澄潭淡定羨眠鷗
千門楊柳烟如夢
一葉梧桐露已秋
神往青蓮花世界
渾忘詩債並棋讐

中元節作

離離華黍說登場
掃墓人家奔走忙
古廟蘭盆鐙湛綠
新秋桂窟月昏黃
蛩聲曲徑驚幽咽
螢火西風作嫩涼
却羨宋時寇平仲
笙歌連日壽瑤觴

何時生上相
明日是中元
謂萊公也

節逢白露偶成一什

佳山水境每神游
非佛非仙大隱流
天氣清涼逢白露

人心湛寂悟丹邱宵旰把卷渾忘老次第看花又到秋
蟋蟀音疎鴻雁遠無邊逸趣助吟謳

秋意

陶家籬菊徑邊松風格青蒼淡亦濃我更秋光添潤色
翠筠金桂玉芙蓉

菊有紫瓣粉點者以蝴蝶名適屆小雪案頭盛開
戲成一律

風姿栩栩復翩翩閒漫追隨趣自然魏國幽香榮晚節
莊生好夢悟游仙尋芳誰唱陽春曲寫照宜逢小雪天
若使淵明籬落見酒懷詩興定高騫

冬夜有感

畫檐風鐸語琅琅梅影幽閒鶴夢涼
萬里碧空天入鏡
五更白曉月橫霜熙熙景物懷軒昊
袞袞英雄閱漢唐
說與少年應不解笙歌詩酒各壇場

靈鷲庵與勝德上人清語

陽台禪定客城北峙祇園戾止虛靈界
嫌茲車馬喧妙
香清有韻古佛寂無言落落天
改解誰知風與幡

游仙五古用季咸周元韻

浩淼古乾坤物華綸天寶赫濯仰璇宮
坦蕩逾王道羽
衣聯霓裳金芝映瑤草北海皇娥謳
南風虞舜操理勢

有盈虧機宜誰語告混沌戒鑿穿神仙或師保丹桂根
曲蟠碧桃花不老卓哉東華君凌空摩紫雲遠見俯塵
世清飈吹古芬雅調玉笛叶逸趣金漿醺鍊魔意澹定
捧日心輪困試吹子晉笙默契義黃文

醕邸邀飲敬次 恭邸十一真韻鳴謝

成樂軒高絕點塵清歌妙舞簇生新奇香蟻泛醑醑酒
美意麟彬竹箭筠玉樹喜瞻王室彥銀花獨殿上元春
韶華幸與瓊筵坐鳳翽梧桐頌吉人

恭邸卽席有作謹次元韻

飛行夢想散花天
幼年屢夢異境遊戲塵寰不計年豈有經綸

充宇宙聊將懶散託神仙金戈鐵馬超凡劫

昔經兵燹今幸承平

玉色珠光付綺筵幸近東平賢聖侶雲璈清曠壓繁絃

和 醕邸涉園截句韻

早春天氣乍陰晴楊柳纔黃美蔭橫老鶴襍褫童子睡
松風時送煮茶聲

水仙花映幾盆梅風裊幽香往復回斗室塵清無客到
攤書喜有古賢陪

曉起正擬吟哦欣讀 恭邸集錦之章率成一律

朝陽麗彩射簾櫳端履韶華候正中鳩鵲夢寒迎夕月
鳳凰枝老又春風搔頭蒜髮多年白屈指蓮鐙徹夜紅

慨寄微吟來錦句王心樂易我心同

適園觀劇次日詩來謂扶掖弋腔有三益焉存正
聲防浮蕩濟窮苦言真摯而意悱惻讀之誰不
怦怦因次原韻藉供一噓

循蜚疏佻官在雅謔真宜冠笑林特地提携彰厚德
釣天感動有同心師雄村店梅誰夢諸葛祠堂柏易尋
載誦王詩思廣播擬書萬本管揮金

訪山僧不遇用韋蘇州全椒山韻

涼月淡高峯吟詩娛木客愛此山中人瀟洒共泉石迢
遞忽風塵延訪慰晨夕芳草碧連雲猿鳥闐無跡

次賀雲甫同年題扇截句二首

龍跳虎卧如椽筆佳句還將錦繡裁
梅雨絮風明歲約

孫世兄謂明年三四月豪情欣晤賀方回
間可以來京何勝期望

仙踪歷歷寫冰紈
江北江南疊翠巒

老境同年深護惜
教余好景卧游看
君年七十有二
余八十一

恭和 蘭蓀先生見贈元韻

同聲相應氣相求
好句驚回午夢幽
畫錦豈能儕魏國
仙裙聊欲挹浮邱
高懷欣聽玲瓏唱
野趣彌增汗漫游
遙頌朝廷相
司馬救時霖雨濟川舟

步 葆光道人元韻

夢醒黃梁靜糾紛
篆香幾度告天焚
董公林茂娛紅杏
陶宰山高養白雲
遵渚鴻飛機應候
鳴臯鶴語俊超羣
壽綿百六周同召
敬註

熙朝斗府文

晨憶山居逸趣

衣裳雲臥靜山谿
一枕清風野鳥啼
卻笑老僧參色相
幾聲鐘磬鶴巢西

振衣濯足儘從容
樹愛娑羅間古松
記挈阿咸觀日出

一輪紅捧最高峯

時星
姪從

步 醕邸元韻兼謝賜食物

翠濃雲樹雨依旬，愧說天涯若比鄰。
珍品新奇銘誼厚，瑤篇斐疊倍情親。
分來王宇虛靈氣，仰止金剛般若身。
鳳至河清欣作覩，漫思葭露詠伊人。

步

醕邸見贈元韻

邸次見榮仲華都統雅談久之

邸第周旋得友聲，欣欣花木古香迎。
廣庭風軟塵無迹，晚照雲深天有情。
去病威光瞻駿烈，賓王參佐著鴻名。
仲華於神巖營參佐最久歸途自笑詩懷澁，何幸聞韶逸趣生。

恭邸以喜雪詩見示卽步元韻

滕六肅寒威，祥霽協化機。
豐占徵麥隴，餘潤到苔衣。
菊釀詩懷壯，松關俗客稀。
瓊樓仙境界，天地總清輝。

和 恭邸守歲集唐元韻敬呈 醅邸

天上璇機耀寰中樂事均樽壘
千日酒雲樹萬方春道
化豐年洽光華復旦新
王言綸縟重仁壽福斯人

再疊紀 恩原韻

最難酬答是

君恩封禪曾紆蜀客魂

紫極九重膏澤厚丹忱一點樸忠存
四愁詩笑張平子
百乘箴懷魯仲孫
愛煞寒梅娛晚節
暗香疎影月黃昏

再疊前韻錄呈 醅邸

太皞勾芒沛德恩
好花好竹靜吟魂
順時鷹化慈祥普

去惡臬羹法意存最愛谷鶯嬌喚侶喜聞園鶴報生孫
閒中忽得雲章讀頓洗連朝醉眼昏

靜觀自得齋中遣懷偶作

閒庭風日做清酣潑眼睛光天蔚藍梅杏圖消寒九九
菊松神永徑三三鶯啼夢覺驚花外雁足書遙話劍南

五弟久
官蜀中

空色色空何處問笑參彌勒悟同龕

御賜
壽佛三尊

九月一日將以龍山故事登眺小清涼境夜大風

雨速駕忽忽得絕句四首

擬向西郊浩蕩行凌空喜見片雲生天心似助重陽趣

風雨瀟瀟秋滿城

聽雨聽風玉漏遲
束裝粗就更沈思
生憎童僕多疏畧
古錦詩囊囑護持

雨師灑道淨緇塵
佳節先聲簇簇新
黃葉滿階行路滑
杖藜珍重笑詩人

潘邠老句試吟哦
翦燭芸窗靜揣摩
不畏催租人阻興
滿天秋趣曉涼多

抵卧佛寺作

涼秋雨細趁風斜
古刹幽深壯五華
山有餘清輝水石
佛無量壽卧煙霞
開尊雅興懷彭澤
落帽間情笑孟嘉

晚節魏公香足憶野人老圃豔黃花

再疊前韻呈慧海上人

源分退谷水橫斜秋色澄清湛物華十里湖光青雀舫
九霄日彩赤城霞何當詩畫來摩詰似此山川勝永嘉
我祝談禪興臥佛指揮如意落天花

題壁五古用王漁洋先生韻

巖業窳堵波兜率唐叢林普覺煥金泥

憲皇宏玉音娑羅猶龍象銀杏迷晴陰古佛大自在臥
游須彌岑鬼神儼呵護日月輝升沈開士笑相迓世外
無煩襟松柏鳴天風契我羲黃心源頭活水來清泠答

筑琴

山寺晚眺

登仙誰羨漢淮王
雞犬雲中雜雁行
我愛菊花間採擇
人疑芝草是餘糧
紅黃林木呈秋色
紫翠峯巒豔夕陽
一曲樵歌歸路晚
詩心畫意寫蒼涼

再登麻韻

師雄香夢月輪斜
玉局壺中戀九華
是處蒼葭明白露
幾番翠斝飲青霞
携家積日調眠食
憶弟看雲說漢嘉
老境癡心兒輩切
連朝吉語喜燈花

荷葉山七律

荷葉山圍湖左右麥苗田亘路東西遙瞻

御苑青鸞峙中有飛仙白鶴棲水沒鳧鷖當戶出煙迷
楊柳向人低淵明門徑陳蕃榻誰敢輕將鳳字題

風葉爲介石齋句翁司農書贈卧佛寺僧慧海師

詩意間靜可喜適山風連日遂戲衍七律五章

但聞風葉響娑羅人在空山道氣多紅樹林邊烘畫稿
白雲堆裏出樵歌天容颯爽塵氛靜世事寬閒興味和
一卷黃庭數聲磬書生狂態儘消磨

不管人間曳落河但聞風葉響娑羅旃檀自闢衆香國
樓閣同歸春夢婆唐宋元明紛世局住行坐卧任天和

本憲廟
御碑中意瞿曇顯示無生法秋雨秋煙點綴多

寒山拾得潤維摩莽莽乾坤等逝波無復塔鈴喧替屣
元塔已但聞風葉響娑羅陶潛蓮社禪心定杜甫楓林
不復存秋興多一笑呼童沽濁酒嶺頭涼月鏡新磨

鎮日盤桓興不磨壽安山古碧峩峩六如露電機鋒迅
五夜霜鐘冷趣多誰見天花飄舍衛但聞風葉響娑羅
無邊秋色叅空色星斗圓明瀉絳河

築場納稼快如何佳節重陽好放歌鷹挾霜威盤大野

雁拖秋影度明河營連虎旅聲光肅寺與健
銳管近跡住龍山

感慨多蕭寺清吟還自笑但聞風葉響娑羅

重陽前三日西山普覺寺欣遇譚斗山吳蔚若龐

綱堂編修李玉舟儀部

相逢世外略簪紳自古文章交有神山郭水村娛勝地
葭蒼露白頌伊人大顛聞道非儒病瘦島吟詩證佛身
綠蟻黃花作重九江鄉休更憶鱸莼

九月八日用山寺晚眺韻

白也詩仙甫也王古芬更愛十三行池看石髮縈魚藻
地有松花足鶴糧勝迹幾番搜往哲佳辰况復近重陽
兒曹共鼓登高興不畏西風作陣涼

九月登高碧雲寺

暮春曾此任天游
綠樹紅櫻黃粟留
予我更添幽興足
楓丹菊紫滿山秋

文星昨喜故人來
磊落英多蓋世才

謂譚斗生等四君子

夾路碧

雲千萬疊山靈應
唱彩雲開

雲在青天水在瓶

成句

龕中佛偈塔邊鈴
雁王鹿女阿羅

漢都與詩人淪性靈

囊佩茱萸蟹擘螯
凌雲健筆且題糕
拈花定惹諸天笑
如許年華興尙豪

碧雲寺題壁

雲樹青蒼秋滿天
清風兩袖趣冷然
幾叢籬畔金英菊

十丈峰頭玉井蓮，酒興誰如陶靖節。吟懷雅羨杜樊川，
登高藉悉田家樂。砧杵聲中大有年。

重九次日晚眺仍用前韻

寺稱兜率慨前王，松檜娑羅翠幾行。驅犢人歸風弄笛，
養羞鳥啄畝棲糧。依稀畫本開韋偃，鏗鞳鐘聲憶景陽。
是否添衣童僕問，始知氣候判炎涼。

還轅途中作

重九登臨證古歡，家人笑語喜團樂。碧天雲日胸襟朗，
綠野園林眼界寬。鹿苑鷺峰餘嘯詠，瓊樓玉宇感高寒。
蓮花絕頂誰經歷，憶否昌黎退步難。

湖橋山館翠冥濛一路波光霽色融黃葉倚風疑戲蝶
白雲出岫點歸鴻祗徊楚客留叢桂想像吳江詠落楓
蜀地阿連應對酒峩峩秋老話衰翁女姪淑卿從我游
山頗助秋興恍然

季弟追隨
左右也

文靖公遺集卷九終